

գետտներովը կեաղտիակից <sup>1)</sup> մինչև պուճուճակ <sup>2)</sup> սափրած գլուխներով, իւրեանց առտնին սովորու-  
թիւններովը բոլորովին թաթարներից չեն զանա-  
զանվում: Մատնում է միայն հայերէն լեզուն և  
փոքր ի շատ է տիպը: Մի եկեղեցի ունին Պարմիր  
Վարդանայ յիշատակին կառուցած, ուր մի քա-  
հանայ կատարում է կրօնական ծէսերը, միւսոյն  
քահանան նաև կարգալ գրել է սորվեցնում  
մանուկներին: Ժողովրդի մեծ մասը արհեստ-  
ներով են պարապած, որոնք ձանձրացած են  
խաներին ձրիապէս աշխատելուց: Մի քանի հո-  
գի միայն Պարնոյ հետ առևտրական յարաբե-  
րութիւն ունին, ուր փոխում են Եւրոպական  
ապարանքների հետ տեղական գորգեր, Վապերտ-  
ներ, մագեղէններ և բամբակ:

Այս կողմերը քաղաք չը լինելու պատճառաւ  
Մագուն քաղաք է յիշվում: Բայց նորա բնա-  
կիչները գիւղացիներից այնքան զանազանվում  
չեն. նորանք մինչև անգամ գիւղացուն հարս-  
տահարելու հմտութեան չեն հասել: Հին բնա-  
կիչներից ոչ ոք չէ մնացել. այժմեան սերունդը  
Բայազիդից և Տաճկա-Հայաստանի զանազան տե-  
ղերից ժողովված մի հաւաքածու է: Ազատ են  
ամեն տեսակ հարկերից, բայց պարտաւորված

---

1) կեաղտիի—ТЕМЯ. 2) պոճուճակ—ЗАТЫЛОКЪ: Վ. անե-  
ցոց քարթառ ից: